

# Pynpaw ka Israel ba ka Iran ka dang don sa palat 1,000 tylli ki namding



Ki brier kiba dang iaid lyngba najan ki namding ha Tehran.

**Tel Aviv, Iaiiong:** Ka Israel ka kheiin ba ka Iran ka dang don palat 1,000 tylli ki namding kiba lah ban poi sha ka, katba ki tiar iapom jong ka Hezbollah ha Lebanon ka kynthup haduh kumba 10,000 tylli ki namding kiba kham duna ka bor jingngai, ong ka lad pathai khubor kaba la shim ia ka jingpynpaw da ka tnaad shipai Israel ha ka kut taiew ba la dep.

Ha ka jingiakren bad ka lad pathai khubor, uwei u ophisar ki shipai suiin ka Israel u la ai ia ka jingkheiin ia ki namding ba dang sah jong ka Iran ha kaei kaba la paw kum ka jingpynsangeh ba thikna na ki jingkyntait ba kham hashwa ban pynpaw ia ki jingkheiin jingdiah jong ki tiar siat ka Tehran.

Ka jingkheiin ka shem ba ki don 8,000 haduh 10,000 tylli ki roket ha ki kti jong ka Hezbollah, ong ka tnaad radio ki shipai Israel.

Da kaba kheiin ia ka jingther ba mynta da ka Iran bad ka paralok jong ka, ka Hezbollah, kata palat san taiew jong ka jingkiakynad, ki jingkheiin ki pynpaw ba ka lah ban don ka jingialeh ka ban neh kham bun bnai - watla ka Israel bad ka US ki la ban jur ba ki jingthmu ba kongsan jong ki, ki la urlong.

Ka Iran bad ka Hezbollah kim shym la kren eiei halor ka jingdon jong ki tiar ialeh jong ki bad baroh ar kim shym la pyni satia ia kano kano ka dak ban kynran dien.

Hashwa jong ka thma, ka Iran la ngeit ba ka don kumba 2,000 tylli ki namding intermediate-range ballistic kiba lah ban poi sha Israel, ong ki arngut ki heh ophisar ka Israel lyngba ka lad pathai khubor kham hashwa.

Palat 500 tylli naduh katei ka por la ther pyrshah ia ka Israel bad kiwei pat ki

la shah pynjot ha madan, ong ka tnaad shipai IDF.

Ka Tehran ka siat ia ki namding na ki phew tylli ki lynti pohkhyndew ne tunnel kiba don ha ki jaka lum ba jngai kiba pynshisha ba ki long kiba eh ban pynjot pynpra ia ki, ong u ophisar jong ka tnat shipai suiin lyngba ka lad pathai khubor.

Ka Israel ka dang pynlong ia kajuh ka jingialeh ha ka ri ba marjan jong ka Lebanon ban pynher krad ia ka Hezbollah, ka kynthun lehnob ha la kyrshan da ka Tehran kaba la pynkhih biang ia ka jingialeh da kaba ther roket sha shiliang khappud ar sngi hadien ba la khie ka thma bad ka Iran.

Haduh kumba 200 haduh 250 tylli ki roket la ther man ka sngi, kiba bun na ki, ki dei kiba thmu pyrshah ia ki shipai Israel kiba jam lyngba sha ka thaiin shathie ka Lebanon.

**GOVERNMENT OF MEGHALAYA**  
**OFFICE OF THE SUPERINTENDENT OF POLICE,**  
**RI-BHOI DISTRICT, MEGHALAYA**

**"AUCTION NOTICE"**

Sealed tender affixing non-refundable court fee stamp of ₹ 100/- (Rupees One Hundred) only are invited for auction of the below noted departmental vehicles. The tenders will be received upto 1:00 PM on the 27.04.2026 and will be opened on the same day at 2:00 PM at the office of the Superintendent of Police, Ri Bhoi District, Nongpoh.

- Tenders must be accompanied by:
  - (One) passport size photograph.
  - Identity proof.
  - Residential proof.
  - Security deposit of ₹ 10,000/- (Rupees Ten Thousand) only in cash which will be adjusted/ refund on completion of auction.
- The minimum rate for disposal is shown in the table under the caption "MINIMUM PRICE".
- Preference will be given to the bidder/bidders who bids for all the vehicles at the highest rate in total.
- The vehicles can be inspected on any working days between 10:00 AM to 5:00 PM at Police Reserve, Nongpoh.
- The highest bidder will have to deposit the full amount to the undersigned on the spot and the vehicles have to be lifted within 24 hours on their own expense. The undersigned will not be responsible for any loss or damaged of the articles if they are not lifted within the given time.
- In the event that the highest bidder fails to deposit the full amount on the spot, the security deposit will be forfeited to the Government treasury. The tender will be awarded to the second highest bidder. In case the second highest bidder also fails to deposit the amount, his security deposit too will be forfeited to the Government treasury and the auction process will continue until the successful bidder is declared.

**LIST OF DEPARTMENT VEHICLES**

SL NO	VEHICLE NO	TYPES	MINIMUM PRICE	REMARKS
1	ML02/2881	Bike	~ 1,000/-	In compliance with AIGP (A) L/No. MPF/138/2023-24/139 Dated 31.01.2026.
2	MI02/2860	Heavy Hyd. Crane	~ 1,50,000/-	In compliance with AIGP (A) L/No. MPF/214/2024/12 Dated 03.02.2026.
3	MI02/2833	Gypsy	~ 10,000/-	In compliance with AIGP (A) L/No. MPF/138/2023-24/145 Dated 12.03.2026
4	MI02/2836	Swaraj Manza	~ 40,000/-	
5	MI02/2842	Tata 407	~ 40,000/-	
6	MI02/2845	Bike	~ 2,000/-	
7	MI02/2847	709 truck	~ 25,000/-	
8	MI02/2859	Bike	~ 1,000/-	
9	MI02/2876	Gypsy	~ 10,000/-	

Sd/-  
Superintendent of Police,  
Ri Bhoi District, Nongpoh.

MIPR No. 0036, Dt. 07/04/2026

**OFFICE OF THE STATE SPORTS COUNCIL**  
**MEGHALAYA ::: SHILLONG.**

No. SSCM/CE/TB-191/2025-26/88 Dated: Shillong the 07<sup>th</sup> April, 2026.

**NOTICE INVITING TENDER**

Sealed Tender affixing non-refundable Court Fee Stamp as indicated below to be drawn in P.W.D. F-2 Form is hereby invited from the Registered/Bonafide Class-I PWD (Buildings) Contractors for the following works and will be received in the office of the undersigned upto 3.00 P.M. on the 27<sup>th</sup> April, 2025 and will be opened on the same date immediately thereafter in the presence of the Contractors or their authorised representatives who would like to be present.

SL NO	NAME OF THE WORKS	TENDER VALUE	BID SYSTEM	TIME ALLOWED FOR COMPLETION	COURT FEE STAMP TO BE AFFIXED	COST OF TENDER PAPERS (NON-REFUNDABLE)
1	2	3	4	5	6	7
1.	Construction of Basketball Court and Installation of Synthetic Futsal Football Ground Turf at Jowai Polytechnic, West Jaintia Hills District.					
A.	Construction of Basketball Court including Retaining Wall, Chain Link Fencing and Drainage.	₹ 44,22,760.00	Single Bid	18 (eighteen) months from the date of issue of final work order.	₹ 1,000.00	₹ 500.00
B.	Providing and Installation of Synthetic Futsal Football Ground Turf including Drainage, Chainlink Fencing, Flood Light and Retaining Wall	₹ 1,76,53,000.00	2 (Two) Bid	24 (twenty-four) months from the date of issue of final work order.	₹ 2,000.00	₹ 1,700.00

Detailed particulars can be obtained from the office of the undersigned from 20<sup>th</sup> to 24 April, 2026 on any working days during office hours on payment as indicated above. Tenderers are to submit tenders in prescribed forms separately against each work.

Sd/-  
Chief Engineer,  
State Sports Council Meghalaya,  
Shillong

MIPR No. 0043, Dt. 07/04/2026

**KA JINGPYNBNA PAIDBAH**

**ICICI Bank** Branch Office: ICICI Bank Ltd, BP-4, Technopolis Building, 4th Floor, Sector V, Salt Lake City, Kolkata West Bengal- 700091. CIN No: L65190G1994PLC021012, www.icicibank.com

Kine ki nongshimram harum kim shym la lah ban siewdep ia ka ram bad ka sut ba iadei bad ka ram kaba ki la shim na ka ICICI Bank. Ka ram la ithuh kum ka Non-Performing Assets (s) NPA. La dep ruh ban pah ia ka Notice kat kum ki kyndon ka Section 13(2) jong ka Securitisation and Re-Construction of Financial Assets and Enforcement Security Interest Act, 2002, ha ka address kaba ki la ai khatduh eh. Ba nalor kata na ka bynta ki jingtip jong ki nongshimram ba la kdw harum, la pynyip ia ki nongshimram da ka rukom jingpynbna paidbah.

Sr. No.	Kyrteng jong ki Nongshimram/ Nong-lashimram lang/Nongbahkhiel/ (Loan Account No) & Address	Ka jingbatai ia ka nongkynti kaba yn sa shirmiti	Tarik jong ia Notice ba la phah/ka ram kat haduh ka tarik jong ia Notice	NPA Date
1.	Raymond Zachary D Shirajoo Joodi Langthas/ House No. 58 Western Chandamry, Bonepa Atilla, Near St. Xaviers School, District West Garo Hills, Meghalaya, Tura- 794002/ LBGUW0000522722/ TBGUW00006841621	Residential Flat Bearing Flat No. 1D/A4, Second Floor, "Regent Bparadise", Dag No. 867, 869, 872, 870, 871, Patta No. 07, 1066, 790, Revenue Village Borsajai, Mouza Beltola, District Kamrup (metro), Assomadmeasuring An Area Offlat Having The Space Measuring 1777 Sq. Ft. Together With The Undivided Proportionate Share of The Flat Measuring 0.40 Are (3 Lechas) Along With One Car Parking Space On The Ground Floor Of The Building	27/02/2026 Rs. 76,19,908.00/-	08/01/2026

Ia kine ki sienjam la shim na ka bynta ka jingshakri ba la buji ia ka jingpynbna. La bthah ia kitei ki nongshimram haneng/bad/ke ki nongbahkhiel (katba ki dei) ba kin siew noh ia ka ram hapoh 60 sngi naduh ka tarik ba la pynyip ia kane ka Notice. Lem kumta, yn shim kat kum ki kyndon jong ka Securitisation and Re-construction of Financial Assets and Enforcement of Security Interest, 2002.

Tarik: April 08, 2026  
Jaka: Shillong

Sincerely Authorised Officer  
For ICICI Bank Ltd.

**GOVERNMENT OF MEGHALAYA**  
**OFFICE OF THE CHIEF ENGINEER**  
**WATER RESOURCES DEPARTMENT**  
**MEGHALAYA, SHILLONG**

Email Id - [ce.megwr18@gmail.com](mailto:ce.megwr18@gmail.com), [ce.wr-meg@gov.in](mailto:ce.wr-meg@gov.in)

No. MEG/SWIC-16/2025-26/34 Dated Shillong, the 7<sup>th</sup> April, 2026

**REQUEST FOR QUOTATION**

Sealed quotations are invited from Authorized Dealers for 'Rate Contract on Supply of Chemical and other Laboratory consumables at Water Quality Lab under Water Resources Department.' as per the terms and conditions provided in RFP No. MEG/SWIC-16/2025-26/33, Dated the 7<sup>th</sup> April, 2026.

Interested Authorized Dealers may download the details of the RFQ from the Department Website at <https://megwaterresources.gov.in>

- The Sealed Quotations must reach the Office of the undersigned on or before **28<sup>th</sup> April 2026, 15:00 hours**. Any quotation or modifications to quotation received beyond the deadline will not be considered.
- The Sealed Quotations will be opened on **28<sup>th</sup> April 2026, at 15:00 hours**, at the Office of the Chief Engineer, Water Resources Department, Lower Fruit Garden, Opposite St. Edmund's College Main gate, Shillong-793003, Meghalaya. Telephone No. -0364-3512293.

Sd/-  
Chief Engineer (WR)  
Meghalaya, Shillong

MIPR No. 0038, Dt. 07/04/2026

**PRESS RELEASE**

This is for general information of all concerned that the forms for admission into Class XI (Humanities, Science & Commerce Streams) for the academic year 2026 in Pine Mount School will be available in the School Office from the 7<sup>th</sup> April 2026 onwards subject to availability of forms. Timings from 11:00 am to 1:30 pm & 2:30 pm to 4:00 Pm.

Sd/-  
Principal  
Pine Mount School.

## Iap palat 10 ngut ki nong Palestine na ka jingther bom ka Israel hajan ka skul ha Gaza

**Gaza, Iaiiong:** Ka jingther bom kaba na suiin da ki shipai Israel hajan kawei ka skul bala shong da ki nong Palestine kiba la phet sakma ha ki bynta pdeng jong ka Gaza ka la pyniap ia palat 10 ngut ki brier bad pynmynsaw ia ki phew ngut kiwei pat.

Kane ka jingthombor kaba la jia ha ka sngi Nyngkong ba la lah ka la wan long ha ka por ba ki nong Palestine ki la poi sha ka jingialeh pyrshah bad ki dkhot jong ka kynthun kieng atiar ba la kyrshan da ka Israel kaba la thombor ia katei ka skul ha ka jingpyrshang ban rahbor ia ki katto katne ngut ki brier, ong ki dkhot ka tnaad aijingsumar bad ki nongshong shmong.

"Palat 10 ngut ki brier ki la iap bad da ki phew ngut ki la mynsaw, kynthup ia 6 ngut kiba don ha ka jingmynsaw jur na ka jingther bom ka Israel bad ka jingkiakynad kaba don shaphang mihngi jong ka ktem sah phetwir jong ka Maghazi" ong u kyrwoh na ka Al-Aqsa Martyrs Hospital.

Hapdeng ki jingkiakynad ki drone jong ka Israel ki la siat da ki artylli ki namding kaba la pyniap ym ia palat 10 ngut ki brier bad ki la mynsaw da ki phew ngut kiwei pat, bynrap shuh shuh ki sakh.

"Ki nongshong shmong ki la pyrshang ban iada ia la ki iing ki sem, hynrei ki shipai ki la ther beit beit pyrshah ia ki," ong u Ahmed al-Maghazi

lyngba ka lad pathai khubor. Kham hadien u nongialam jong katei ka kynthun kieng atiar ba la kyrshan da ka Israel, u la ong ha ka video ba ki la pyniap ia kumba san ngut ki dkhot jong ka Hamas.

Ha kane ka thma ba triem jong ka Israel kaba la neh ar snem ha Gaza ia ka jaka sah jong ki phetwir ha Maghazi la jied da ki shipai Israel kum ka jaka kaba shngaiin.

Kham hashwa kane ka dei kawei na ki jaka sah phetwir kaba rit tam jong ka thaiin Palestine, kata katkum ka jingong jong ka United Nations Relief and Works Agency for Palestinians in the Near East (UNRWA), kaba don kumba 30,000 ngut ki nongshong shmong. Ha ki bnai ba nyngkong jong ka thma, ka jingbun brier ka la kiew sha ka palat lai shah.

Watla la pynbna ia ka kum ka jaka kaba shngain, hynrei ki shipai Israel ki la pynlong ia kiba buntlylli ki kam thombor ba shyrkhei. Kawei na ki jingthombor ba shyrkhei ka la jia ha u bnai Nohprah 2023 kaba la pyniap ia palat 100 ngut ki brier, kiba bun ki dei ki kynthei bad ki khynnah kiba la shah pynkylla sakma.

Naduh ba la poi sha ka jingsangeh iasiat kaba synjor ha u bnai Risaw ba la dep, ka Israel ka la bteng ban thombor ia ki jaka ha kylleng ka Gaza Strip, kynthup ia ka ktem Maghazi.



Ka jingjulong kaba shyrkhei na ka jingthombor ka Israel ha Gaza.

## Bteng ka jingthombor ka Russia lyngba ki namding bad ki drone sha ki bynta ka Ukraine, iap saw ngut



Ka ding kaba klang na ka jingthombor ka Russia ha ki bynta ka Ukraine.

**Kyiv, Iaiiong:** Ki jingthombor ba shyrkhei jong ka Russia lyngba ki drone bad ki namding sha ki jaka riew paidbah hapoh Ukraine ka la pyniap ia saw ngut ki brier bad pynmynsaw ia palat 27 ngut kiwei pat, ong ka khubor heh sorkar ha ka sngi ba Ar ba la lah, katba ki shipai ka Moscow ki la pynjor ia ka jingpyrshang ban pynpra ia ki jaka iada ba shakhmat jong ka Ukraine kaba lah ban dei ka jingsdang ban pynjor ia ki kam thombor napoh ryngkew.

Ka Russia, ka la pynlong kam haduh 400 tylli ki drone kiba lah ban her jngai ban thombor ia ka Ukraine tang ha ka shi miet, ong ka tnaad shipai suiin ka Ukraine, kata ha ka jingthombor kaba heh tam ha kine ki taiew ba la dep. Kane ka kam thombor ka la bteng haduh ka step jong ka sngi ba Ar ba la lah ha kaba da ki phew tylli ki drone ki la thombor ia ka nongbah Kyiv ha ka por mynsngi.

Ka Russia, ka la ther ruh da ki 23 tylli ki namding cruise missile bad hynriew tylli ki namding ballistic sha ki bynta ka Ukraine ha ka por mynmiet kiba la leit dei ha kumba 10 tylli ki jaka ha kylleng ka ri, ong ka khubor shipai suiin.

Ki riew paidbah ka Ukraine ki dang iai bteng ban mad ia ki jingshah thombor ba khlem sangeh naduh ba ka Russia ka la sdang ia ka jingthor thma kaba pura ia kane ka ri ba marjan naduh palat saw snem mynta. Ki jingkiakren ba la pynlong da ka US hapdeng ka Moscow bad ka Kyiv ha une u snem ba la dep kim shym la seiso, ha kaba ka Russia ka la kyntait ia ka jingtyrwa jong ka Ukraine ban sangeh iasiat, bad ha kine ki taiew ba la dep ka thma ha Iran ka la pynphai khmat ia ka jingpyrkhat jong ki ri ka pyrthei na ka jingeh jong ka Ukraine.

Ha ka laiin ba shakhmat kaba jngai kumba 1,250

kilometer kaba iaid lyngba ki bynta mihngi bad ki bynta shathie jong ka Ukraine, ki shipai ka Ukraine ki la pynkhyreh ia ka jingthor thma kaba thymmai da ka kynthun shipai kaba kham heh jong ka Russia hadien ba ka jinglong jingman jong ka suiinbngeng ka la sdang ban ailaad.

U hehduh shipai ka Ukraine, u Gen. Oleksandr Syrskiy u la ong ba ki shipai ka Russia ha kine ki sngi ba la dep ki la pyrshang ha kajuh ka por ban pynpra ia ki laiin iada ha ki katto katne ki jaka ba kongsan. Man la u snem naduh ka jingwan hiar thma hadien ka jingailad jong ka suin bngeng ka Russia ka ju pynjor shuh shuh ia ki kam thombor jong ka pyrshah ia ka Ukraine. Hynrei kam shym la lah satia ban kurur ia ki nongbah bad ka la ioh tang ia ki katto katne ki thaiin nongkyndong. Ka Russia ka la ioh ban bat kumba 20 na ka shispak ha Ukraine.

## Pynkhreh ka Iran ban pah da ki khynnah sha ka thma shwa ban kut ka por ba la buh da u President Donald Trump

**Tehran, Iaiiong:** Ki shipai Revolutionary Guards ka Iran ki la khot ia ki kmie ki kpa jong ka ri ba kin pah ia ki khun jong ki ban pahara ia ki khyrdop jong ka ri, kaba dei ka jingjia kaba dang shen eh ha kaba ka Tehran ka la pynkhohreh ia ki khynnah rit, sha ki jaka ba shakhmat katba ka thma ha Middle East ka dang iaid shakhmat.

Katei ka jingthot, ka la wan, katto katne kynta hashwa kaba kut jong ka por ba la buh da u president Donald Trump ka US na ka bynta ka jingiateh kular mynta ka sngi Balang.

Ia katei ka jingthot la pynlong da u General Hossein Yekta, uba don ka jingjadi bad ki kynthun lehnob Basij, kiba don hapoh jong ka kynthun shipai jong ka Iran Islamic Revolutionary Guard Corps (IRGC), ha ka por ba u la aijngkren lyngba ka telebision jong ka ri.

"Ki kmie, ki kpa, shim ia ki kti jong ki khun jong phi bad mih sha surok," u la ong, ong ka lad pathai khubor. "Hato phi kwah ba u khun jong phi un long u rangbah ba shisha? Ai ba un sngew kum u riewshlur uba

ieng beit hapdeng ka madan thma. Ki kmie, ki kpa ha ka por miet pah ia ki khun jong phi sha ki jaka khyrdop talasi. Ki kylla long ki rangbah," u la bynrap.

Ha u bnai ba la dep, ka lad pathai khubor kaba iadei bad ka IRGC ka la pynyip ba ka seng ka la khot ia ki nongtrei mon sngewbha kiba la 12 snem shaneng ban pynprung kyrteng bad ki shipai ha ki kam pahara ha ka nongbah bad kiwei kiwei ki sorbah. La iathuh ba uwei u khynnah, uba dang 11 snem ka rta, ula iap ha u bnai ba la dep katba u dang ap ha kawei ka khyrdop talasi ha Tehran.

U Rahim Nadali, uba dei na ka Greater Tehran Muhammad Rasulollah Corps jong ka IRGC, u iathuh lyngba ka lad pathai khubor ha katei ka por, ba katei ka program thymmai, kaba la tip kum ka Homeland Defender Fighters for Iran, kan buh ia ki khynnah ha ki kam bapther bapther kaba kynthup ia ka jingpahara bad ban buh ha ki khyrdop talasi.

Ka Basij kaba dei ka kynthun lehnob kaba trei mon sngewbha ka dei kaba

la pyniaid da ka IRGC la antad ba ka don haduh kumba shi million ki dkhot. La ju pyndonkam ia ka ha ki surok ban pynjem khnap ia kino kino ki jingkiakhih pyrshah. Ki jaka talasi ka Basij ki dei kiba la ngat khah khah ha ki jingshah thombor ha ki shipai US bad Israel.

Ka Amnesty International, ka la maham ba ki don ruh ki khynnah kiba rah tiar siat, ha kaba ka la khot ia kane ka jingpynrung ia ki khynnah rit kum ka kam runar ha ka thma. Ka jingpynrung ia ki khynnah kiba hapoh 15 snem sha ka kam shipai ka dei ka kam runar ha ka thma, ong ka kynthun iasaid aiin.

Ki jingthombor jong ka US bad Israel ki dang ktah ia ki hajar tylli ki jaka jong ka IRGC, kynthup ia ki jaka treikam jong ka Basij ha kylleng ka ri, kynthup lyngba ki jingthombor da ki drone kiba thmu ia ki bor pahara bad ki khyrdop talasi, ka jingpynrung ia ki khynnah kum ki shipai ryngkat bad ki shipai jong ka IRGC lane ha ki jaka treikam jong ki buh ia ki ha ka jingma kaba khraw na ka jingiap bad jingmynsaw.